

**RELATORIU SEMANAL**

**12 ate14 Julu 2021**

**MONITORIZASAUN BA  
IMPLEMENTASAUN VASINA IHA  
TERRITÓRIU-TIMOR-LESTE**



**Forum ONG Timor-Leste – FONGTIL Vaccine Monitoring**

**FONGTIL-ReNAS**

## Lista Konteúdu

### Contents

<b>Introdusaun .....</b>	3
<b>Objetivu Monitorizasaun .....</b>	3
<b>Se mak implementa Monitorizasaun.....</b>	3
<b>Area Monitorizasaun (Lokasaun no Tempu ).....</b>	4
<b>Area Programa mak sei halo Monitorizasaun .....</b>	4
<b>Prosesu Monitorizasaun no Advokasia .....</b>	4
Metodolojia Monitrizasaun.....	4
<b>Deskobrimentu Monitorizasaun Vasina .....</b>	5
Konkluzaun no Rekomendasau.....	6
Konkluzaun .....	11
Rekomendasau .....	11

## **Introdusaun**

Forum ONG Timor Leste (FONGTIL) ne'ebe nudár organizasaun sombriña ba ONGs sira no nudár mós organizasaun sosiedade sívıl iha Timor-Leste. **FONGTIL halo nia kna'r hodi apoiu politika guvernu nian katak to'o decembro 2021 populasaun Timor-Leste mais 80 % simu ona Vacina.** FONGTIL asegura katak oinsa ministerio saude, liu-liu pessoal saude sira bele presta atendimento diak ba populasaun sira, nune'e bele hasae taxa partisipasaun populasaun ba simu vacinasau. FONGTIL destaka 44 ne'ebe halo monitorizasaun ba programa Vacinasau iha Postu 65, 12 Municipio no RAEOA, monitoring refere sei hahu June ate decembro 2021

Forum ONG Timor-Leste tinan barak ona fó apoiu ba ONG membru no rede sektorál sira hodi implementa monitorizasaun no advokasia inklui implementasaun programa auditoria sosiál ba setór prioridade governu nian hanesan saúde, edukasaun, agrikultura, infrastrutura báziku no programa transversal sira igualdade jéneru, defisiénsia no inkluzau sosiál.

Husi parte saúde nian, tinan ida liu ona mundu enfrenta situasaun COVID-19, no to agora kuaze ema liu tokon 170 mak intestadu husi COVID-19, mate tokon 3 atus lima no Timor-Leste hasoru inimigu invizivel, ema sira ne'ebe mak rekopera tokon 152 <https://www.worldometers.info/coronavirus/>. Iha Timor-Leste rasik hahú husi fulan Marsu 2020 to agora total populasaun mak intestadu COVID-19 rihun neen liu, rekopera besik rihun haat no mate 15 (COVID-19 Timor-Lete Update 29 Maiu 2021).

Governu Timor-Leste, Organizasaun Saúde Mundial, no organizasaun hotu-hotu servisu hodi responde ba situasaun pandemia COVID-19 liu husi hamosu lejizlasaun sira, Protokolu no inklui mata dalan planeamento no implementasaun COVID-19 mak aprova husi Konsellu Ministru iha 26 Maiu 2021 <http://timor-leste.gov.tl/?p=28202&lang=tp>.

Vasina hanesan meius preventiva ba pandemia COVID-19, nune'e atu garante efikásia, kualidade prestasaun servisu no direitu sidadaun nian mak importante envolvimentu sosiedade sívıl hodi halo monitorizasaun no advokasia.

## **Objetivu Monitorizasaun**

Objetivu husi monitorizasaun mak:

- Atu asegura iha retroasaun (feedback) hodi asegura prestasaun servisu mak iha kualidade, efikásia no inkluzivu
- Asegura komunidade ninia direitu hodi asesu ba informasaun husi importante husi vasina no asesu ba vasina ho konsiénsia rasik.
- Asegura iha retroasaun (feedback) ba públiku hodi hasa'e partisipasaun públiku iha vasina hanesan meius hodi kontribui ba prevensaun COVID-19.

## **Se mak implementa Monitorizasaun**

FONGTIL mak sei lidera servisu monitorizasaun membru ONG sira iha territóriu tomak, iha espetasau ONG 39 mak hala'o programa monitorizasaun ida ne'e, ho kada munisipiu ONG tolu. Ho nune'e relotoriu NGO sira ne'ebe hatama ona rezultadu monitorizasaun mai iha FONGTIL hosi loron 12 Jullu to'o14 Jullu 2021 mak NGO FUNDASAUN UMA PAS BAUCAU,.Sharis

Haburas Comunidade (SHC), Forum Tau Matan, Centro Comunidade Covalima,Aileu Resource and Traning Center(ARTC), HIS no informasaun adisional sira seluk tan husi municipiu sira.

### **Area No Tempu Monitorizasaun (Lokasaun no tempu)**

Monitorizasaun ida ne'e halo iha postu administrativu 39 iha 12 munisipius durante semana semana-Semana dadus sira tama mai iha dia 12 ate 14 Jullu 2021 mak hanesan tuir mai ne'e: centru saude Formoza, Sentru Saude Becora, Suku Saelari, Posto Administrativo laga Suco Sagadate, aldeia Alasafa Onebuú,Posto Administrativo Laga Suco Atelari Aldeia Samagata, Aldeia Loilari, Posto Administrativo laga Suco Soba, Aldeia Assanuno, no Aldeia Fatiliri,posto Administrativo Laga Suco Nunira Aldeia Loilacu, (Laga,Baucau), SENTRU SAUDE UAILIL, POSTU SAUDE DIWAKE, Sentru da Saude BAHU-RIAMARE, SENTRU SAUDE BUCOLI (Baucau Vila), Sentru saude Postu Administrativo Fatululic (Covalima), Centro Saude Posto Remexio, Centro Saude Posto Aministrativo Liquidoe, Posto Taratamento Hau-Toho(Aileu), ho tarjetu ba fatin sira implementasaun vasina nian no informasaun adisional sira seluk liu husi Whatsapp Grupu.

### **Area Programa mak sei halo Monitorizasaun**

Programa Monitorizasaun ida sei foku ba Setór Saúde ho fokus ba implementasaun programa Vasinasau COVID-19 iha territóriu Timor-Leste.

### **Prosesu Monitorizasaun no Advokasia**


1. Faze preparasaun, sei organiza ONG membru tolu kada munisipiu hodi halo orientasaun kona-ba prosesu monitorizasaun.
2. ONG membru sira sei rekolla dadus iha territóriu Timor-Leste tomak liu husi métodu observasaun, dada lia pesoál saúde, lider komunidade no membru komunidade (hare'e métodu espesífiku tuir pergunta).
3. ONG membru sira iha Munisipiu ida-idak sei organiza dadus inklui halo entry ba formatu prienze dadus nian mak kria iha kada munisipiu no apresenta ba sekretáriadu FONGTIL
4. Ekipa téknika ida iha sekretáriadu FONGTIL sei organiza dadus sira, kompila dadus prodús relatóriou deskobrementu no Diretor Ezekutivu regulármente sei hato'o ba público no dirije ba ministériu relevante.
5. Prosesu follow no avaliaasaun advokasia sei planeia hodi garante realizasaun ba rekomendasau sira.

### **Metodolojia Monitrizasaun no Analiza dadus.**

Monitorizasaun ne'e uja mak métodu observasaun no rekolla dadus uja chek list ka kestionariu badak ida atu observa ba prosesu vasinasau sira iha sentru vasina nian. Hosi métodu halibur dadus hotu sei organiza dadus no analiza dadus uja softwear SPSS no formatu prienze dadus nian, nune'e mos uja analiza deskritivu persentazen ba grafiku ba perguntas sira ne'ebe iha. Analiza hotu sei elabora no interpreta persentazen dadus sira no ikus elabora deskobrimentu sira no hamosu rekomendasau.

## Deskobrimentu hosi Monitorizasaun Vasina hosi loron 12 ate 14 Julu 2021


### 1. Oinsá prosesu rejistrasaun?



Rejistru la'o di'ak no pesoal saude sira halo atendementu la tuir tempu  
Rejistru la'o di'ak no pesoal saude sira dala ruma tuir tempu no dala ruma lae  
Rejistru la'o di'ak no pesoal saude sira tuir tempu.

Rezultadu deskobrimentu ba prosesu rejistrasaun Komunidade ne'ebe mak mai vasina ne'e hatudu katak 60.87% mak hatete Rejistru lao diak no pesoal saude sira tuir tempu , 30,43% mak hatete rejistru lao diak no pesoal saude sira halo atendementu la tuir tempu, rejistru lao diak no pesoal saude sira dala ruma tuir tempu no dalaruma lae ne'e 8,70%. Ida ne'e esforsu bo'ot ida atinji ona no iha mudansa signifikante tambo semana datoluk persentejen la sae maibe Ministeriu Saude konsege hadia buat balu iha mudansa ona, espera kontinua esforsu hodi hadia nafatin.


### 2. Pesoál Saúde sira kria oráriu vasinasau ka lae?



2. Pesoál Saúde sira kria oráriu vasinasau ka lae?


Rezultadu deskobrimentu hatudu katak pesoal saude sira kria orariu vasina ne'e hatudu rezultadu katak 43,48% mak iha orariu vasina nian eskrita no fahe ba komunidade, 30,43% mak pesoal saude sira halo avizu husi pesoal saude iha bairo ka suku no 26,09% mak hatete la iha orariu no avizu komunidade rona husi vizinu ka familia deit. Kada mudansa orariu ba vasinasau ne'e presija servisu hamutuk ho autoridade lokal no informasaun antes atu komunidade sira hatene orariu lolos hodi nune'e komunidade sira bele hola parte iha vasinasau.oinsa mak bele konvense no servisu hamutuk ho ministeriu ESTATAL hodi nune'e chefe suku sira bele kopera fahe informasaun.

### 3. Tempu vasina kada loron tuir oráriu ka lae?




Rezultadu Deskobrimentu vasina kada loron tuir orariu ka lae ne'e hatudu katak 73,91% mak hatete pesoal saude sira halo atendementu vasina tuir orariu, 4,35% ne'e hatete katak pesoal saude sira halo atendementu vasina dala la tuir orariu, 4,35, mak hatete opsaun seluk no 17,39% pesoal saude sira halo atendementu vasina la tuir orariu. Ida ne'e atu hatete katak kada loron iha ona mudansa vasina tuir orariu.Ida ne'e hatudu katak rekomendasau sira balu responde ona maibe pesoal saude sira halo halo atendementu vasina nafatin esforsu no pasensia tuir regras nebe iha ona hodi bele atende komunidade sira ho diak tuir orariu kada laran iha sentru saude no postu saude sira.

#### 4. Pesoál saúde sira hetan ona treinamentu adekuadu hodi halo vasina?




Rezultadu deskobrimentu sira hetan ona treinamentu hodi halo vasina ne'e hatudu katak 82,61% doutor no pesoal saude sira hotu hetan ona trenamentu adekuadu hodi halo vasina, 17,39% mak Doutor no pesoal saude sira sidauk hetan ona trenamentu adekuadu hodi halo vasina. Hosi ne'e iha mudansa signifikante husi semana kotuk nia relatoriu tamba persentajen ne'e as no konsidera rekomendasau sira bele responde ona maibe nafatin apoiu malu no fo trenamentu adekuadu oinsa bele melhora servisu diak liu tan. Persentajen as ona ne'e laos sasukat ida atu orgulho maibe ita nafatin esforsu atu hadia servisu sira ne'e atu nune'e sai profisional liu tan.

#### 5. Pesoál saúde uza ekipamentu protesaun pesoál iha momentu halo vasina.




#### 6. Pesoál saúde Fahe informasaun ba komunidade kona-ba importante husi vasina



Rezultadu deskobrimentu hatudu katak pesoal saude uja ekipamentu protesan pesoal iha momentu halo vasina ne'e hatete katak 65,22% mak pesoal saude uja EPP maibe ho kompletu, 30,43% mak hatud pesoal saude uja EPP maibe la kompletu, 4,35 mak pesoal saude la uja ekipamentus protesaun pesoal. Persentajen pesoal saude sira uja Ekipamentu protesaun pesoal ho kompletu ne'e persentajen as ona no rekomendasau sira iha responde ona maibe presija esforsu atu nafatin sosa EPP ba pesoal saude sira bele uja wainhiira halo vasinasau iha komunidade nia le'et, ida ne'e esforsu Ministeriu saude nian oinsa bele fo atensaun masimu nafatin no seguru ba pesoal saude no doutor sira.


Rezultadu deskobrimentu kona ba pesoal saude fahe informasaun ba komunidade kona ba importansia husi vasina nian ne'e hatudu katak 52,17% mak komunidade hetan esplikasaun kle'an kona ba importansia vasina husi pesoal saude iha bairo ka suku, 34,78% mak komunidade hetan esplikasaun kona ba importansia vasina husi pesoal saude iha momento mai halo vasina, 8,70% mak hili opsaun seluk, 4,35% mak hatete komunidade hetan esplikasaun husi membru familia no viziru no la komprende kona ba importansia husi vasina. Ne'e hatudu katak guvernu komesa hadia ona servisu balu no atinji kona ba fahe informasaun ba komunidade kona ba importansia vasina nian maibe nafatin esforsu atu bele hadia servisu fahe informasaun diak liu tan.

#### 7. Fatin vasina iha espasu no ambiente ijiene




Deskobrimentu ba fatin vasina iha espasu no ambiente ijiene ne'e hatudu katak 39,13% hatete fatin luan no espasu akomodasaun membru komunitade nebe mak atu vasina no ambiente ijiene, 39,13% mos hatete fatin ladun suficiente hodi akomoda membru komunitade mak atu vasina no ambiente ladun ijiene no 21,74% mak hatete fatin la iha espasu no ambiente la ijiene. Ida ne'e nafatin atensaun ba fatin no espasu akomodasaun ema barak atu vasina ne'e tamba distansiamentu sosial ba komunitade importante no oinsa mak bele kombatte vasina ho diak liu tan

#### 8. Fatin vasina prepara ekipamentu prevensaun COVID-19 nian hanesan fasilitade fase liman, sanitizer no seluk-seluk tan?




Deskobrimentu ba fatin vasina iha ekipamentu prevensaun COVID-19 hanesan fasilitade fase liman no Sinitezer ne'e hatudu katak 47,83% hatete fatin vasina ladun adekuadu iha fasilitade be'e, haris fatin, fase liamn no sabaun, 30,43% hatete fatin fatin vasina iha be'e, haris fatin no fasilitade liman ho sabaun no material prevensaun sira seluk, 21,74% mak hatete fatin la iha fasilitade be'e haris fatin, fase liman ho sabaun no material prevensaun hanesan senitizer. Ida presija atensaun no ekipamemtu fasilitade sira presija prepara.

#### 9. Fatin vasina asesivel ba ema ho defisiénsia no idozu sira




Fatin vasina asesivel ba ema ho defisiénsia ba ema ho defisiénsia no idozus sira hatudu katak 56,52% mak fatin vasina asesivel ba ema ho desifiénsia no idozus, 26,09% mak fatin vasina la asesivel ba ema ho defisiénsia no idozus sira, 17,39 mak fatin vasina ladun asesivel ba ema ho defisiénsia no idozus sira, ho nune'e presija atensaun nafattin ba fatin sira nebe la iha asesibilidade ne'e oins ahalo rampa atu nune'e ferik no katus no ema ho defisiénsia sira bele hola parte ba vasinasau ho seguru no bele hasae taxa partisipasaun.

#### 10. Fatin vasina sentru komunitade no atrai partisipasaun




Fatin vasinasentru ba komunitade no Atrai partisipasaun komunitade nian ne'e hatudu katak 30,43% Fatin la Sentru no difikulta ba komunitade ninia partisipasaun tamba maioria komunitade hela dok husi fatin vasina, 34,78% ne'e fatin sentru no la difikulta komunitade ninia partisipasaun hodi tuir vasina, 34,78% mak Fatin ladun sentru no difikulta ba komunitade niani partisipasaun hodi tuir vasina tamba balun dok no balun besik. Ita sidauk atinji ba ida ne'e no presija fatin vasina ne'e besik liu tan sira ka uja maneria aprosimasaun diak hodi bele konvense atu komunitade bele ba vasina.


11. Memburu Komunidade mak atu vasina kumpre Protokolu saude nian kona ba distansia, uza maskra no iha fasilitade prevensaun ijine pesoal




12. Memburu komunidade simu vasina ho konsiensia rasik sein dudu husi ema seluk ka ameasa ruma?



13. Doutor no Pesoal na'in hira mak atende vasina



14. Doutor sira sei Konsultasaun uluk no membru komunidade livre hodi ko'alia sai istoria moras nian antes simu vasina?




Memburu Komunidade mak atu vasina kumpri protokolu saude nia kona ba distansiametu sosial, uja maskra no iha fasilitade prevensaun hjiene ne'e hatudu katak 60,87% mak hatete fatin vasina ladun organiza ho distansiametu no komunidade ladun kumpriende protokolu saude nian kona ba prevensaun, 8,70% hatete fatin vasina nian organiza distansiametu sosial no komunidade hotu kumpri protokolu saude kona ba prevensaun, 26,09% hatete fatin vasina la organiza distansiametu la kumpri protokolu saude, no 4,35% hatete opsaun seluk.

Memburu Komunidade simu vasina ho konsiensia rasik sein dudu husi ema seluk ka ameansa ne'e deskobre katak 17,39% hatete katak komunidade simu vasina maibe tanba dudu husi parte seluk, 56,52% hatete katak komunidade simu vasina ho konsensia rasik tanba importansiya husi vasina hodi prevene COVID-19, 26,09% mak hatete katak komunidade simu vasina la ho konsensia maibe hakarak bele lao ba mai livre. Ida ne'e presija atensaun no maneira oinsa para komunidade sira ba vasina ho konsensia maibe semana ne'e iha mudansa no komunidade balu iha ona konsensia maibe iha fatin balu sidauk.


Doutor no pesoal saude nain hira mak atende vasina ne'e deskobre katak 26,67% mak hatete katak numeru doutor no pesoal saude sira la balansu ho membru komunidade nune'e atendementu kleur, 26,57% mak hatete doutor no pesoal saude sira mak halo atendementu barak no atendementu lalais, 20,00% mak hatete doutor no pesoal saude limite tebes nune'e prejudika atendementu kleur tebes labele responde membru komunidade mak prejensa no 26,67% mak hatete opsaun seluk. Presija atensaun ba kolokasaun doutor no pesoal saude sira iha sentru vasinasau ne'ebe komunidade barak.

Doutor sira konsultasaun uluk no membru komunidade livre hodi ko'alia sai istoria moras antes vasina ne'e hatudu katak 69,57% mak hatete katak komunidade konsulta uluk ho doutor no livre ko'alia sai istoria moras nian antes simu vasina, 8,70% hatete katak komunidade konsulta uluk ho doutor ka pesoal saude no ladun ke'e istoria moras nian antes simu vasina, 21,71% mak hatete doutor sira konsulta liu deit ou la iha konsultasaun. Ne'e hatudu katak iha ona mudansa naton ona maibe husu kontinua nafatin konsultasaun ba komunidade antes vasina atu evita eru iha tereinu.


**15. Pesoal saude halo vasina ba membru komunidade tuir Protokolu vasina nian**



**16. Depois de simu tiha vasina, membru komunidade mak hetan vasina sei deskansa oras ida hodi halo observasaun**




**17. Oinsá jestau ba lixu kroat no lixu infesaun.**



**18. Oinsá prosesu dokumentasaun no relatório sira vasina nian**



**19. Iha ka lae lamentasaun rumu husi komunidade**



Pesoal saude hala'o vasina ba membru komunidade tuir protokolu vasina nian ne'e desobre katak 91,30% hatete katak vasina ho diak no la iha reazan husi komunidade ne'ebe iha mementu vasina iha sentru vasinasau, 4,34% mak hatete katak vasina la lao diak tamba iha reazan iha momento halo vasina no 4,35% mak hatete vasina lao ho diak maibe iha reazan husi membru komunidade iha momento vasina. Ida ne'e diak maibe nafatin kuidadu no presija atensaun masimu ba ida ne'e hodi nune'e karik reazan bele atende lalais.

Depois simu vasina membru komunidade hetan vasina sei deskansa oras ida hodi halo observasaun ne'e desobre katak 52,17% komunidade simu vasina deskansa la to'o oras ida iha fatin vasina hodi halo observasaun, 26,09% mak komunidade simu vasina deskansa to'o oras ida iha fatin vasina hodi halo observasaun no 21,74% mak hatete ema simu vasina la deskansa no fila direita ba uma.Nafatin fo informasaun atu komunidade deskansa antes husik fatin vasinasau vasinasau.

Jestaun ba lixu kroat no lixu infesaun ne'e desobre katak 65,22% lixu kroat (daun,Fresku Botir) no Lixu infesaun ( tisue, luvas no Hena) organiza diak iha fatin ketak no seguru, 30,43 mak lixu kroat ( hanesan daun, Fresku Botir), no lixu infesaun ( tissue, luvas, hena) tau hamutuk no ladun seguru no 4,35% mak lixu kroat (daun, fresku botir) lixu infesaun ( hena, tissue, luvas) soe arbiru deit.presija hadomi ambiente no kuidadu nafatin ambiente. husu atu nafatin atensaun ba ambiente mos.

Prosesu dokumentu no relatorio sira vasina nian desobre katak 86,96% dadus organiza diak no komputeriza no komunika ba sentru akumulasaun dadus vasina nian, 13,04% hatete mak hili opsaun seluk.ida ne'e diak ona maibe presija atensaun nafatin no baze de dadus ne'e ka dokumentu sira konserva didiak no hatama baze dadus atu nune'e ema hotu bele kontribui vasina.

Lamentasaun husi komunidade nian ba vasina ne'e hatudu katak 52,17% mak hatete iha lamentasaun no 47,83% mak la iha lamentasaun. Iha lamentasaun tamba atendementu kleur, vasina mak hotu no balu dok husi fatin vasinasau, vasina nian reazan, balu tauk atu ba vasina tamba kazu iha bobonaru suku lour, balu la ba vasina tama atu ba kuuk kafe, balu hakarak doutor tenki konsulta, balu hakarak simu vasina sinovac.lamentasaun ne'e pursentu sae kompara semana kotuk liu ba nian maibe presija atensaun nafatin no karik iha problema iha sentru vasinasau presija hadia lalais no doutor sira tenki pasensia hodi konsulta komunidade.

### **Deskrobrimentus sira:**

Pontus deskobrimentu iha monitorizasaun ba semana dahat bazeia ba analiza dadus ne'ebe membru organizasaun sosiedade civil (OSS) haruka relatoriu eskrita nomos liu hosi WhatsApp hosi munisipiu sira mai iha Seretariadu FONGTIL-ReNAS. Hosi analiza dadus ne'e membru organizasau sosiedade civil (OSS) hatama hatudu iha progresu balun ne'ebe Ministeriu Saude halo bazeia ba rekomendasau ne'ebe sosiedade civil sira hatama hanesan sosializasaun ba komunidade sira kona-ba importansia vasina ne'ebe hahu intensivu no involve autoridade suku no aldeia sira fahe informasaun hosi uma ba uma (door to door) nia rezultadu hatudu katak numeru komunidade simu vasina ho konsiensia rasik hahu aumenta, maibe iha rekomendasau balun hanesan fatin vasina tenki konsidera mos asesibilidade ba EhD no idozus sira iha fatin vasina balun seidauk iha mudansa, facilidade be no saniamentu iha fatin vasina balun sei infrenta nafatin. Deskobrimentu iha semana dahat hanesan tuir mai ne'e:

- 1) Maioria sentru vasinasaun pesoal saude kria orariu ba simu vasina nian no distribui ba komunidade sira hodi bele ba simu vasina;
- 2) Tempu ka orariu atu simu vasina iha sentru saude balun latuir orariu ida ne akontese barak liu tanba komunidade sira ne'ebe atu ba simu vasina ba tarde no iha sentru vasina balun komunidade ne'ebe atu ba simu vasina la to 10 tanba ne atraza pesoal saude atu fo vasina, iha sentru saude balun iha postu Baucau Vila pesoal saude sira labele kumpri orariu vasinasaun nian tanba transporte kareta limitadu
- 3) Pesoal saude ne'ebe fo vasina la uza ekipamentu EPP kompletu ho razaun katak sira nia ekipamentu limitadu, iha deskobrimentu iha sentru saude comunitaria Becora pesoal saude ne'ebe atende komunidade atu rejistru ba vasina la uza EPP ho razaun katak sira hetan vasina doze daruak ona tanba ne la nesesariu uza EPP
- 4) Maioria komunidade sira ne'ebe ba simu vasina hetan informasaun hosi pesoal saude no autoridade suku no aldeia konaba loron simu vasina
- 5) Fatin vasina barak mak laiha ekipamentu no facilidade prevensaun Covid19 hanesan fatin fase liman, be mos iha toilet, hand sanitizer no seluk tan.
- 6) Fatin vasina balun kontinua la fo atensaun ba maluk Ema ho Defisiensia (EhD) no idozus sira atu livremente bele asesu ba simu vasina
- 7) Iha sentru vasina iha munisipiu komunidade barak hakarak simu vasina Sinovac (postu Remexio) no sira lakohi simu AZ tanba rona kazu ema mate iha suku Lourba Postu Administrativu Bobonaro municipiu Bobonaru.
- 8) Fatin vasina balun la atrai ba komunidade sira hakarak ba simu vasina tanba fatin dok hosi sira nia hela fatin, fatin balun liu liu iha vila laran besik estrada no espasau kiik
- 9) Maioria sentru vasina hatudu katak doutor sira fo konsulta no ke istoria moras komunidade nian antes ba simu vasina maibe iha sentru vasina balun pesoal saude no doutor la fo konsulta uluk antes simu vasina
- 10) Maioria komunidade sira ne'ebe simu vasina la hetan reajen negativu hosi vasina, ida ne Ministeriu Saude bele uza nudar argumentu atu konvense komunidade sira katak vasina AZ

ne seguruIha sentru vasina balun bainhira total komunidade sira ne'ebe atu simu vasina menus hosi 10 pesoal saude sira sei konsela fo vasina no muda fali ba tempu seluk.

- 11) Iha sentru vasina balun (Becora) komunidade ne'ebe ba simu vasina iha sentru saude comunitaria Becora hahu menus, seidauk iha dadus tanba sa mak menus, posibilidade bele tanba ekipa saude hahu halo vasina iha kada aldeia no suku, mos posibilidade ema tauk simu vasina no posibilidade maioria simu vasina ona

## Konkluaun no Rekomendasaun

### Konkluaun

Husi Rezultadu deskobrimentu sira ne'e ba semana dahat nian konklui katak vasinasaun ne'e importante ba sidadaun hotu-hotu iha Timor-Leste liu-liu ho prezensa variante foun DELTA ne'ebe hahu hadaet iha nasau Indonesia ne'ebe bele fo ameasa mos mai Timor Leste tamba ne'e guvernu presija iha estratejia oin-oin oinsa atu bele hasae konsiensia komunidade nian konaba vantajen no seguru bainhira simu vasina AZ no Sinovac hodi nune'e bele hasae taxa partisipasaun sidadaun nian no oinsa sidadaun sira bele vasina hotu tuir guvernu nia indikador ba atinjimentu sira katak sidadaun sira bele vasina to'o 80% iha teritorio Timor-Leste tomak. Husi ne'e sosiedade sivil hanesan parseiru ida importante oinsa halo avaliaasaun ba servisu hotu-hotu liu hosi monitorizasaun no advokasia ba rezultadu sira ne'ebe deskobre hodi fo ba ministeriu saude oinsa bele hadia mekanismu implementasaun vasina nian hodi nune'e povu Timor-Leste bele hasae imunidade sidadaun nian hodi kombate moras COVID-19 iha Timor-Leste.

### Rekomendasaun

Rekomendasaun importante no urgente atu hadia ita kurtu prazu ba deskobrimentu hosi rezultadu monitorizasaun sei kontinua ho rekomendasaun ne'ebe hato ona iha semana sira kotuk tanba ami konsidera ministeriu saude seidauk halo mudansa signifikante:

- 1) Ministerio saude atu organiza sasan logistic sira hanesan kartaun, jestaun ba distribuisaun vacina liu-liu stok vacina no hadia atendimento husi pessoal saude ba populasaun sira.
- 2) Ministeriu saude presiza reve'e fali kriteria numeru ema atu simu vasina ne'ebe tenki liu ema nain 10 ba leten, kriteria ida ne bele dezanima komunidade sira ne'ebe marka tia ona prezensa iha fatin vasina maibe tenki fila no la simu vasina tanba ema la to'o ka liu 10
- 3) Ministeriu saude presiza kontinua halo vasinasaun iha aldeia ka bairru sira hodi nune komunidade sira bele fasil asesu ba simu vasina
- 4) Minsiteriu saude atu nafatin kuidadu vasina tau iha konjelador ho temperatura malirin 2 ate 8 derajat celcius iha sentru saude iha munisipiu tomak atu nune'e vasina estavel nafatin no diak para komunidade simu ho diak.
- 5) Husu ba Ministeriu obras publika liu-liu ba EDTL,IP atu kontrola eletrisidade sira iha teritoriu tomak atu labele mate no nafatin funsiona diak hodi nune'e proteze nafatin vasina Atrazeneka no Sinovac malirin nafatin hodi fo ba komunidade sira ho diak nomos eletrisidade ba SAMES ne'e tenki atensaun makas tamba vasina sira iha Frezer ne'e diak nafatin.

- 6) Ministeriu Saude kontinua presiza intensifika kampaña konaba importansia no benefisiu vasina nian atu proteje komunidade hosi Covid-19 atu nune'e komunidade ho konsiensi rasik ba simu vasina laos tanba hakarak simu vasina hodi bele lao ka sirkula livre. Kampaña ne'e tenki involve autoridade suku no aldeia atu nune'e komunidade iha area rural sira bele asesu ba informasaun ne'ebe los. Asesu informasaun ba komunidade tenki konsidera mos ba maluk defisiensia sira liu liu defisiente tilun no matan.
6. Ministeriu saude atu buka fatin vasinasaun ne'ebe iha asesibilidade ba ema ho defisiensia no idozus sira atu nune'e ferik no katuas no ema ho defisiensia sira bele hola parte iha vasinasaun ho diak, selae Ministeriu Saude estabelese Ekipa Vasinasaun Movel hodi bele atende Ema ho Defisiensia (tuir dadus ema ho defisiensia iha Timor-Leste hamutuk rihun 30) no idozus sira iha sira nia hela fatin atu nune'e sira hotu bele simu vasina ho diak
- 7) Ministerio saude tenki kontrola masimu ba pessoal saude sira iha municipio hotu no RAEOA atu servi ho laran no hadia prestasaun servisu diak ba populasaun sira ne'ebe simu vacinasaun.
- 8) Ministeriu Saude tenki distribui ekipamentu prevensaun Covid19 liu liu masker ba sentru vasina sira atu nune'e komunidade sira ne'ebe ba simu vasina no la uza maskra bele distribui ba sira antes tama ba sentru vasinasaun nian
- 9) Ministerio saude Kontinua sensibiliza komunidade konaba vacina no nia efeitu pozitivu no negativu sira ba populasaun hodi konvense ita nia populasaun atu kontinua hakat ba sentru saude hodi simu vacinasaun.
- 10) Persiza halo tratamentu antes ba populasaun sira, liu-liu komunidade ho idade tinan 60 ba leten molok vacina hodi prevene risku sira,nune'e labele repete situasaun ne'ebe akontese iha suku Lourba postu Bobonaro municipiu Bobonaru.
- 11) Rekomenda ba sentru saude hotu atu kolabora ho FONGTIL nia pessoal *Monitorizasaun nian* sira
- 12) Ministeriu Saude tenki kria mekanismu ba komunidade sira ne'ebe ho tinan 18 ne'ebe ho konsiensi rasik hakarak simu vasina maibe seidauk iha kartaun eleitoral hodi bele simu vasina.
- 13) Ministeriu Saude tenki distribui mos vasina Sinovac ba municipiu sira atu nune'e iha municipiu komunidade sira ne'ebe hakarak simu vasina sinovac bele simu.
- 14) Ministeriu Saude tenki dsiponibiliza ka apoiu transporte ou kareta ba pesoal saude no doutor sira ne'ebe distansia dok liu hodi labele prejudika orariu vasina ba komunidade sira ( iha sentru Saude Bauh-Raemare-Baucau)